



## রংপুরের 'দীপ আই কেয়ার ফাউন্ডেশন' "আই হেল্থ হিরো-২০১৬" নির্বাচিত

© রবিবার, ২৭ নভেম্বর ২০১৬, দুপুর ০৩:৫০

Share 1



প্রতিবারের মতো এবারও ওঅচই, ফ্রান্সের L'OOCCITANE ফাউন্ডেশন এর সহযোগিতায় সমগ্র পৃথিবী থেকে ১৫ টি দেশের মাত্র ২৪ জন বিশিষ্ট ব্যক্তিত্বকে চক্ষু সেবায় বিশেষ অবদান রাখার জন্য "আই হেল্থ হিরো-২০১৬" হিসাবে নির্বাচিত করে বিশেষ পুরস্কারে ভূষিত করে। যাদের মধ্যে রংপুরের দীপ আই কেয়ার ফাউন্ডেশনের নির্বাহী পরিচালক ডাঃ খায়রুল ইসলাম বাংলাদেশ থেকে নির্বাচিত একমাত্র ব্যক্তিত্ব। এদেশ থেকে তিনিই প্রথম বারের মতো চক্ষু সেবার মর্যাদাপূর্ণ এবং আন্তর্জাতিক খ্যাতি সম্পন্ন এ পুরস্কার অর্জন করে দেশের ভাবমূর্তি বিশ্বের দরবারে উজ্জ্বল করেছেন।

ওঅচই ফ্রান্সের L'OOCCITANE ফাউন্ডেশন- সারা বিশ্বে নিরবে নিভূতে চক্ষু সেবায় নিবেদিত চিকিৎসক এবং প্রথম সারীর কর্মী, যাদের প্রতিদিনের অক্লান্ত পরিশ্রম এবং ত্যাগ সার্বজনীন চক্ষু স্বাস্থ্য সেবায় প্রকৃত পার্থক্য সৃষ্টি করে দেয়, তাঁদের সম্মানিত এবং অনুপ্রাণিত করার জন্য "আই হেল্থ হিরো" হিসাবে নির্বাচন করে থাকে। এ নির্বাচন কমিটিতে সমগ্র বিশ্ব থেকে ওঅচই এর ১৫৪টি সদস্য চক্ষু সেবা সংগঠনের বিশিষ্ট প্রতিনিধি বর্গ থাকেন।

ডাঃ খায়রুল ইসলাম বাংলাদেশের উত্তরাঞ্চলে পিছিয়ে পড়া জনপদ রংপুরের সুবিধা বঞ্চিত হতদরিদ্র জনগোষ্ঠীর উন্নত চক্ষু সেবা প্রদানের লক্ষ্যে ২০০০ সালে ক্ষুদ্র পরিষরে চক্ষু সেবা কার্যক্রম শুরু করেন। তারই ধারাবাহিকতায় তিনি ২০০৮ সালে বৃহৎ আঙ্গিকে স্থানীয় চাহিদা পূরণের নিমিত্তে "দীপ আই কেয়ার ফাউন্ডেশন" প্রতিষ্ঠিত করেন। তার সুযোগ্য নেতৃত্ব, নিরলস পরিশ্রম এবং সার্বিক তত্ত্বাবধানে প্রতিষ্ঠানটি মাত্র ৮ বছরে দ্রুত উন্নয়নের মাধ্যমে উন্নত চক্ষু সেবা অত্র অঞ্চলের বিপুল জনগোষ্ঠীর দোড় গোড়ায় পৌঁছে দিতে সক্ষম হয়েছে এবং জনগণের আস্থা অর্জন করতে পেরেছে। এ স্বল্প সময়ের মধ্যে প্রতিষ্ঠানটি তাদের বর্হিবিভাগ এবং বিভিন্ন প্রোগ্রামের মাধ্যমে অত্র অঞ্চলের প্রায় ৭ লক্ষ জনগোষ্ঠিকে সরাসরি চক্ষু সেবা প্রদান করেছে, প্রায় ৫০ হাজার ছানি রোগীর সফল অপারেশনের মাধ্যমে তাদের দৃষ্টি ফিরিয়ে দিয়ে অন্ধত্বের হাত থেকে রক্ষা করেছে, প্রায় ৬০০ শিশুর ছানি অপারেশনের মাধ্যমে অন্ধত্ব থেকে রক্ষা করে তাদের সুন্দর ভবিষ্যত গঠনে বিশেষ ভূমিকা রেখেছে, প্রায় ৭০০০ রোগীর চোখের অন্যান্য অপারেশন করার মাধ্যমে অত্র অঞ্চলের জনগোষ্ঠীর দুঃখ-কষ্ট লাঘবে ভূমিকা রেখেছে, এছাড়াও চক্ষু রোগীর বিভিন্ন অত্যাধুনিক পরীক্ষা নিরীক্ষা করার মাধ্যমে বিশাল জনগোষ্ঠীর দৃষ্টি প্রতিবন্ধকতা দূর করতে প্রতিনিয়ত সাহায্য করছে।

### সর্বশেষ সংবাদ

### সর্বাধিক পঠিত



ভারত আমাদের বন্ধু, আমরা একে অপরকে সহযোগিতা করছি: প্রধানমন্ত্রী



রোকেয়া বিশ্ববিদ্যালয় মাতাতে আসছে দোলা



রাজশাহীতে সাংবাদিকদের ওপর হামলা, বরখাস্ত দুই



ইতালিয়ান স্বামীর সাথে নিয়মিত যোগাযোগ হয় রত্নার

### টপ নিউজ'র আরো খবর



ভারত আমাদের বন্ধু, আমরা একে অপরকে সহযোগিতা করছি: প্রধানমন্ত্রী



ধরে-বেঁধে কাউকে নির্বাচনে আনবো না: সিইসি



এসএসসি পরীক্ষা শুরুর তারিখ ঘোষণা, সময় কমল

চক্ষু সেবায় সামাজিক সচেতনতা সৃষ্টিতে অত্র অঞ্চলে দীপ আই কেয়ার ফাউন্ডেশনের ভূমিকা অত্যন্ত গুরুত্বপূর্ণ। প্রতিবছর বিভিন্ন অঞ্চল থেকে সমাজের নানা শ্রেণী পেশার ব্যক্তি বর্গ এবং স্কুলের ছাত্র-ছাত্রীদের নিয়ে চক্ষু বিষয়ক সেমিনার, ওয়ার্কশপ এবং মতবিনিময় সভা আয়োজনের মাধ্যমে জনসচেতনতা সৃষ্টি করে থাকে। ডাঃ খায়রুল ইসলামের নেতৃত্বে দীপ আই কেয়ার ফাউন্ডেশনের এ সকল কর্মকাণ্ডের কারণে অত্র অঞ্চলের প্রতি ১০ লক্ষ ছানি অপারেশনের হার ২০০০ সাল থেকে ২০১৬ সাল পর্যন্ত ২০০ থেকে বৃদ্ধি পেয়ে ২০০০ এ উন্নিত হয়েছে।

ডাঃ খায়রুলের অক্লান্ত পরিশ্রম এবং দূরদৃষ্টিতার কারণে, বর্তমানে দীপ আই কেয়ার ফাউন্ডেশন উন্নত চক্ষু সেবা নিশ্চিত করার লক্ষ্যে বিশেষায়িত শিশু বিভাগ, মেডিকেল রেটিনা বিভাগ, গ্লুকোমা বিভাগ, অকুলোপ্লাস্টি বিভাগ ইত্যাদি বিভাগে অত্যাধুনিক বিশেষায়িত যন্ত্রপাতির সাহায্যে অত্যাধুনিক চক্ষু সেবা প্রদান করেছে। ইতিমধ্যে যার সফল এ অঞ্চলের জনগোষ্ঠী পেতে শুরু করেছে। ডাঃ খায়রুলের এ মহতী উদ্যোগের সাথে প্রায় প্রারম্ভিক সময় থেকে চক্ষু সেবার আন্তর্জাতিক সংগঠন "অরবিস ইন্টারন্যাশনাল" সার্বিকভাবে যথেষ্ট সহায়তা প্রদান করে আসছে। এর সাথে আরো বেশ কিছু আন্তর্জাতিক সাহায্য সংস্থা- গ্লেনকো, রেঞ্জকো, ইসলামিক রিলিফ, রোটারী ক্লাব, ব্র্যাক এবং অত্র অঞ্চলের জনগণও যথেষ্ট সহযোগীতা করেছে।

দেশের পিছিয়ে পড়া জনগোষ্ঠীর জন্য উন্নত চক্ষু সেবা নিশ্চিত করার লক্ষ্যে ডাঃ খায়রুল ইসলামের ত্যাগ এবং সময়োপযোগী কার্যকর ভূমিকার জন্য "অরবিস ইন্টারন্যাশনাল" তাঁকে "আই হেল্থ হিরো-২০১৬" নির্বাচিত করার জন্য মনোনয়ন প্রদান করে। পরবর্তিতে নির্বাচন কমিটি সার্বিক দিক পর্যালোচনা করে ডাঃ খায়রুল ইসলাম কে "আই হেল্থ হিরো-২০১৬" নির্বাচিত করে। যা এদেশের সকল জনগোষ্ঠীর জন্য যথেষ্ট সম্মানের। তাঁর এই কৃত-কর্মের আন্তর্জাতিক স্বীকৃতি, এদেশ তথা এ ভৌগলিক অঞ্চলে চক্ষু সেবায় নিবেদিত ব্যক্তি বর্গকে এবং নতুনদের ভীষণভাবে অনুপ্রাণিত করবে।